

Pagina rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **65 (2003-2004)**

Heft 8: **Am Puls der Bewegung... Jugendarbeit**

PDF erstellt am: **22.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Posiziun da la CGL

a regard l'introducziun integrala dal rumantsch grischun in scoula

- > La magistraglia ladina s'occupa seriusa-
maing cun quist tema (dietas, questiu-
naris) e vül comunicar cleramaing
seis dubis e sias tschertezas in quista
materia. Sia skeptica es ourdvar gron-
da. Id es important cha la scoula ru-
mantscha haja da dir ün pled in chapi-
tel.
- > Ils idioms fuorman la basa dal ru-
mantsch. La scoula ha l'incumbenza da
tils sustegner e promover. Tras l'acquist
solid da l'idiom (la lingua da seis ambi-
aint) po crescer l'identità da l'uffant
culla lingua materna per ch'el possa svi-
luppar sia personalitè. Be cun üna iden-
tità resentida emoziunamaing as poja
mantgnair la lingua.
- > L'introducziun integrala dal rumantsch
grischun indeblischa la pusiziun da
l'idiom e metta cun quai in privel la
qualità da la scoula rumantscha. Ün'in-
strucziun in idiom e rumantsch grischun
sur-dumonda ils uffants da la scoula pri-
mara eir in regiuns amo ferm rumant-
schas.
- > La magistraglia ladina cugnuoscha la
fragilità da la lingua rumantscha chi
perda cuntinuantamaing da substanza.
Seis d'ovair es da render attent sün pri-
vels e perditas cha experimaints pon
chaschunar (p.ex. müdamaint da scoula
rumantscha a scoula tudais-cha).
- > Magistraglia e genituors ston pudair
sustgnair ün proget nouv v.d. i ston es-
ser persvas da la chosa. Persvader as
poja be cun buns argumaints e cun pa-
zienza, na cun dictats. Sainza l'accep-
tanza davart da la populaziun dvainta la
scoula ün'isla dapersai.
- > Cugnuschtschas passivas dal ru-
mantsch grischun (savair leger ed inle-
ger) sül s-chalin ot bastan plainamaing
per promover l'avischinaziun da las regi-
uns interrumschas e per parder-
scher ils giuvenils a vaschins responsa-
bels.
- > Las situaziuns linguisticas fich differen-
tas da l'Engiadina e da la Val Müstair
han da gnir resguardadas pro ün'intro-

ducziun dal rumantsch grischun v.d. i
ston gnir chattadas soluziuns differen-
zas mo pür davo avair fat experienzas
praticas cun singuls progets da pilot.

Ftan, ils 30 da marz 2004

per la CGL
il president

Gliendisgis vargau ei vegniu presentau alla
publicitad il project «transfer tecnologic
surselva». Quei project iniziava dalla Grup-
pa svizra per la promoziun dallas regiuns da
muntogna (SAB), Microsoft CH e la Corpo-
raziun da vischnauncas Surselva vul dar in
impuls alla populaziun per la nova tecnolo-
gia d'informaziun e comunicaziun. Com-
puters, internet e la nova tecnologia insum-
ma san esser da gronda schanza per las re-
giuns periferas. A caschun dalla discussiun
al podi digl gliendisdis vargau han il schef-
manager da Microsoft CH, Alexander Stü-
ger, il directur dalla SAB, il secretari dalla
Corporaziun da vischnauncas Surselva, Du-
ri Blumenthal ed il sorprendider, Marc Ca-
thomen discutau intensivamein da quellas
schanzas. Era il publicum ha fatg stedi die-
ver dalla discussiun ed ins ei vegnius tier
las suandontas treis conclusiuns:

1. Nus stuein respectar e nezegiar bia
dapli las resursas da Grischunas e

Grischuns, da Romontschas e
Romontschs ch'ei emigrai ella diaspora
per il svilup ed il beinstar da nossas
valladas periferas.

2. La cooperaziun cun l'industria gronda
(Microsoft, Hewlett Packard, etc.) e cun
la Bassa insumma ei da grond'impur-
tonza per transferir savida e tecnologia
ellas regiuns. Igl ei denton da calar cun
exportar clisches da Heidi, Ursin e bran-
sins, capuns e maluns. Da vender ein
nossas habilitads professiunalas per
aschia recaltgar ina cooperaziun vici-
deivla e partenaris eguals.
3. Nus stuein cooperar bia pli intensiv
denter nus e dismetter particularissem e
protecziunissem.

Il proxim temps cursescha il bus da project
tras la Surselva (ei füss senz'auter pusseivel
ch'el fagess era in halt en'in'otra vallada).
El ei equipaus cun in'infrastructura da
computers il pli moderna e demonstrescha
a scolars, privats ed a fatschentas las pus-
seivladads ch'ins ha ozildi cun IT. Dapli in-
formaziuns dat ei sut www.tt-surselva.ch.
Classas, gruppas da tut gener, fatschentas,
etc. san era giavischar ina demonstraziun
(gratuitamein).

Adressa da contact:
Martin Mathiuet
CCM 7031 Laax
081 921 25 60/fax70
ccm.martin@rumantsch.ch



La cuntrada muntagnarda sil bus dil project TTS ei creada ord ca 65'000 portrets da personas en Svizra. Ei sepaga da mirar pli datier!